



An Bhruiséil, 9 Nollaig 2025
(OR. en)

15890/25

LIMITE

CORLX 1121
CFSP/PESC 1714
COLAC 198
COARM 201
FIN 1447

GNÍOMHARTHA REACHTACHA AGUS IONSTRAIMÍ EILE

Ábhar: CINNEADH ÓN gCOMHAIRLE lena leasaítear Cinneadh (CBES)
2017/2074 a bhaineann le bearta sriantacha i bhfianaise na staide i
Veiniséala

CINNEADH (CBES) 2025/... ÓN gCOMHAIRLE

an ...

**lena leasaítear Cinneadh (CBES) 2017/2074
a bhaineann le bearta sriantacha i bhfianaise na staide i Veiniséala**

TÁ COMHAIRLE AN AONTAIS EORPAIGH,

Ag féachaint don Chonradh ar an Aontas Eorpach, agus go háirithe Airteagal 29 de,

Ag féachaint don togra ó Ardionadaí an Aontais do Ghnóthaí Eachtracha agus don Bheartas Slándála,

De bharr an mhéid seo a leanas:

- (1) An 13 Samhain 2017, ghlac an Chomhairle Cinneadh (CBES) 2017/2074¹.
- (2) I bhfianaise na géarchéime polaitiúla atá ag dul in olcas i Veiniséala, chomh maith leis na gníomhaíochtaí leanúnacha a bhaineann an bonn den daonlathas agus den smacht reachta, cearta an duine a bheith á sárú go leanúnach agus cos ar bolg a bheith á dhéanamh ar an tsochaí shibhialta agus ar an bhfreasúra daonlathach, lena n-áirítear i ndáil le réachtáil thoghcháin uachtaránachta an 28 Iúil 2024 sa tír sin, ar bhonn athbhreithniú ar Chinneadh (CBES) 2017/2074, agus lenar tharla ina ndiaidh, ba cheart na bearta sriantacha a leagtar amach sa Chinneadh sin a athnuachan go dtí an 10 Eanáir 2027.
- (3) Thairis sin, ba cheart na hiontrálacha a bhaineann le 4 duine nádúrtha in Iarscríbhinn I a ghabhann le Cinneadh (CBES) 2017/2074 a nuashonrú.
- (4) Ba cheart, dá bhrí sin, Cinneadh (CBES) 2017/2074 a leasú dá réir sin,

TAR ÉIS AN CINNEADH SEO A GHLACADH:

¹ Cinneadh (CBES) 2017/2074 ón gComhairle an 13 Samhain 2017 a bhaineann le bearta sriantacha i bhfianaise na staide i Veiniséala (IO L 295, 14.11.2017, lch. 60, ELI: <http://data.europa.eu/eli/dec/2017/2074/oj>).

Airteagal 1

Leasaítear Cinneadh (CBES) 2017/2074 mar a leanas:

- (1) in Airteagal 13, sa chéad mhír, cuirtear ‘an 10 Eanáir 2027’ in ionad an dáta ‘an 10 Eanáir 2026’;
- (2) leasaítear Iarscríbhinn I i gcomhréir leis an Iarscríbhinn a ghabhann leis an gCinneadh seo.

Airteagal 2

Tiocfaidh an Cinneadh seo i bhfeidhm an lá tar éis lá a fhoilsithe in *Iris Oifigiúil an Aontais Eorpaigh*.

Arna dhéanamh i/in/sa ..., ...

*Thar ceann na Comhairle
An tUachtarán*

IARSCRÍBHINN

In Iarscríbhinn I a ghabhann le Cinneadh (CBES) 2017/2074, i liosta na ndaoine nádúrtha agus dlítheanacha, na n-eintiteas agus na gcomhlachtaí, cuirtear an méid seo a leanas in ionad iontrálacha 2, 11, 31 agus 37:

| | Ainm | Faisnéis aitheantais | Cúiseanna | Dáta an liostaithe |
|-----|--------------------------------|---|--|--------------------|
| '2. | Gustavo Enrique GONZÁLEZ LÓPEZ | Dáta breithe: 2.11.1960 Inscne: fireann | Uachtarán Petróleos de Venezuela (PDVSA). Ard Stiúirthóir ar an tSeirbhís Bholavarach um Fhaisnéis Náisiúnta (SEBIN) idir mí Aibreáin 2019 agus mí Dheireadh Fómhair 2024. Comhairleoir slándála agus faisnéise don Uachtarán Maduro ó mhí Eanáir 2019, agus Ard-Stiúirthóir SEBIN ó mhí Feabhra 2014 go dtí mí Dheireadh Fómhair 2018. Le linn dó a bheith ina stiúirthóir ar SEBIN, rinne oifigigh faoina údarás deiridh gníomhaíochtaí coinneála treallacha, céastóireachta agus íde atá cruálach agus mídhonna, lena n-áirítear foréigean gnéasach, in ionad coinneála El Helicoide. Agus é ina Ard-Stiúirthóir SEBIN, tá sé freagrach as sáruithe tromchúiseacha ar chearta an duine, lena n-áirítear coinneáil threallach, íde atá mídhonna agus táireach, agus céastóireacht agus as cos ar bolg a imirt ar an tsochaí shibhialta agus ar an bhfreasúra daonlathach i Veiniséala. | 22.1.2018 |

| | Ainm | Faisnéis aitheantais | Cúiseanna | Dáta an liostaithe |
|-----|--------------------------------|--|---|--------------------|
| 11. | Iván HERNÁNDEZ DALA | Data breithe: 18.5.1966 Inscne: fireann | Uachtarán Chuideachta Náisiúnta Teileafóin Veiniséala (National Telephone Company of Venezuela) (Cantv). Maor-Ghinearál in Arm Náisiúnta Bolavarach Veiniséala. Ard-Stiúrthóir Ard-Stiúrthóireacht na Frithaisnéise Míleata idir mí Eanáir 2014 agus mí Dheireadh Fómhair 2024 agus Ceann ar Gharda an Uachtaráin idir mí Mheán Fómhair 2015 agus mí Dheireadh Fómhair 2024. Agus é ina cheann ar an bhFrithaisnéis Mhíleata, tá Iván Hernández Dala freagrach as an gcos ar bolg a imirt ar an tsochaí shibhialta agus ar an bhfreasúra daonlathach agus as sárúithe tromchúiseacha ar chearta an duine a d'imir baill na Frithaisnéise Míleata faoina cheannas, lena n-áirítear céastóireacht, úsáid fornirt iomarcaigh agus drochíde a thabhairt do dhaoine faoi choinneáil. | 25.6.2018 |
| 31. | Jorge Elieser MARQUEZ MONSALVE | Dáta breithe: 20.2.1971 Áit bhreithe: Caracas, Veiniséala Uimhir aitheantais: V-8714253 Inscne: fireann | An tAire Leictreachais agus Leas-Uachtarán Oibreacha Poiblí agus Fóntas ón 23 Aibreán 2024 i leith. Aire in Oifig na hUachtaránachta agus Ard Stiúrthóir an Choimisiúin Náisiúnta Teileachumarsáide (CONATEL) ón 7 Lúnasa 2017. Bhain a chuid gníomhaíochtaí an bonn den daonlathas nó den smacht reachta i Veiniséala, lena n- áirítear trí shrian ollmhór a chur le cearta mhuintir Veiniséala maidir le saoirse an phreasa, saoirse cainte agus saoirse chun faisnéis a fháil. Bhain sé úsáid as cumhachtaí speisialta CONATEL chun lucht cáinte agus daoine nár aontaigh leis an réimeas a chur ina dtost trína suíomhanna gréasáin a bhlocáil, scagadh a dhéanamh orthu agus bac a chur orthu, agus trí cheadúnais atá ann cheana do stáisiúin raidió agus teilifíse a chúlghairm agus trí dhiúltú chinn nua a dheonú. | 29.6.2020 |

| | Ainm | Faisnéis aitheantais | Cúiseanna | Dáta an liostaithe |
|-----|-------------------------------|---|---|--------------------|
| 37. | Remigio CEBALLOS ICHASO | Dáta breithe: 1.5.1963 Uimhir aitheantais: V-6557495 Inscne: fireann | Ambasadóir Veiniséala chun na Síne. Iar-Aire Gnóthaí Baile agus Ceartais Veiniséala (Lúnasa 2021- Lúnasa 2024) agus Leas-Uachtarán an Rialtais um Shlándáil na Saoránach. Iar-cheannasaí ar Cheannas Oibríochtúil agus Straitéiseach Fhórsaí Armtha Bolavaracha Veiniséala (Comando Estratégico Operacional Fuerzas Armadas Nacionales Bolivarianas (CEOFANB)), an t-orgán is airde i bhFórsaí Armtha Veiniséala, (Meitheamh 2017 — Iúil 2021). Rialáíonn CEOFANB Fórsaí Armtha Náisiúnta Bolavaracha Veiniséala (FANB) agus an Garda Náisiúnta Bolavarach. Tá CEOFANB freagrach freisin as gníomhartha FANB a chomhordú i léirsithe. Agus é ina Cheannasaí ar CEOFANB, bhí sé freagrach as sárúithe tromchúiseacha ar chearta an duine, lena n-áirítear forneart iomarcach a bheith á úsáid agus íde mhídhaonna tháireach á tabhairt ag oifigigh FANB agus ag fo-fhórsaí faoina cheannas, lena n-áirítear an Garda Náisiúnta Bolavarach. Dar le foinsí éagsúla, an Misean Neamhspleách Idirnáisiúnta Aimsithe Fíricí faoi Phoblacht Bholavarach Veiniséala ina measc, tá sárúithe ar chearta an duine déanta ag FANB agus ag an nGarda Náisiúnta Bolavarach. | 22.2.2021’. |